

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM
Broj: 41 0 K 097545 24 K
Visoko, 30.09.2024.godine

U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog M.U. sina N. iz V., zbog krivičnog djela produženo krivično djelo nasilje u porodici iz člana 222. stav 1. u vezi sa članom 55. KZ FBiH, krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T 04 0 KT 0049714 22 od 05.05.2023.godine, nakon zaključenog glavnog javnog pretresa, održanog dana 30.09.2024.g. u prisustvu Kantonalnog tužitelja Mustafić Mesuda ,optuženog i branioca optuženog Nire Hadžidulbić iz Zenice ispred Kantonalnog zavoda za pravnu pomoć Zenica , na pretresu za objavljivanje presude, u prisustvu kantonalnog tužitelja, optuženog i branioca optuženog, dana 30.09.2024.godine donio je i javno objavio :

PRESUDU

OPTUŽENI:M.U., sin N. i majke N. rođene S., rođen ... godine u S., nastanjen K. broj ... općina V. , pismen sa završenom SSS, po zanimanju trgovac, nezaposlen,udovac, otac jednog djeteta mladb. Bošnjak, državljanin BiH, JMB: ..., osuđivan ,

KRIV JE

što je:

1. dana 23.06.2022.godine, oko 19,30 sati, na području grada V., došao ispred kuće u kojoj njegova supruga A.U. živi sa svojim ocem a koja se nalazi u ulici G.R. broj ..., te kada je ista izašla iz kuće uhvatio je sa obje ruke u predjelu rebara i pokušao je uvesti u vozilo, pa iako je znao i bio svjestan da takvim postupanjem može ugroziti mir, psihičko i fizičko zdravlje člana svoje porodice što je i htio, oštećenju A.U. nanio povrede konstatovane u HMP Visoko, da bi dana 04.09.2022.godine, u večernjim satima, ponovo došao do kuće koja se nalazi u ulici G.R.broj ... u kojoj njegova supruga A.U. živi sa svojim ocem E.B., pa iako je znao i bio svjestan da takvim postupanjem može ugroziti mir, psihičko i fizičko zdravlje člana svoje porodice što je i htio, A. psovao Boga i uputio prijetnje: „ zaklat ću i tebe i oca ti, uništiti ću ti život, moraš izaći da razgovaramo, ubit ću te uništiti ću te, izađi, zapamtiti ćeš me dobro, nećeš me se nikad riješiti dok si živa“,

dakle, nasiljem i drskim ponašanjem ugrozio mir, psihičko i fizičko zdravlje člana svoje porodice,

2. dana 04.09.2022.godine, u večernjim satima, došao do kuće vlasništvo njegovog punca B.E. u kojoj živi sa svojom kćerkom A.U. , a koja se nalazi u ulici G.R. broj ..., pa iako je znao i bio svjestan da će prijetnjama ugroziti sigurnost oštećenog, što je i htio, koji se nalazio ispred kuće obratio riječima: „ dovest ću ljude da te zakolju i prebiju, zaklat ću te jebem li ti Boga koje prijetnje su kod oštećenog izazvale osjećaj straha i nesigurnosti za sebe i svoju porodicu,

dakle, ugrozio sigurnost osobe ozbiljnom prijetnjom da će napasti na život ili tijelo te osobe,

čime je u sticaju počinio:

1. produženo krivično djelo nasilje u porodici iz člana 222. stav 1. u vezi sa članom 55. KZ F BiH,
1. krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH.

Pa sud optuženom na osnovu istog zakonskog propisa: te na osnovu članova: 42.,43, 49., i 54

UTVRĐUJE

- za krivično djelo produženo krivično djelo nasilje u porodici iz člana 222. stav 1. u vezi sa članom 55. KZ F BiH, kazna zatvora u trajanju od 3(tri)mjeseca
- za krivično djelo djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH, kazna zatvora u trajanju od 2(dva)mjeseca,

Pa sud optuženog na osnovu istog zakonskog propisa: te na osnovu članova: 42.,43, 49., i 54 KZ FBIH,

OSUĐUJE

NA JEDINSTVENU KAZNU ZATVORA U TRAJANJU OD 4 (ČETRI) MJESECA

Na osnovu člana 212. stav 3. ZKP FBiH oštećeni Babić Ekrem se sa imovinsko pravnim zahtjevom upućuje na parnični postupak.

Na osnovu čl.202 stav 4 ZKP FBIH optuženi se oslobađa plaćanja troškova krivičnog postupka i isti padaju na teret budžetskih sredstava suda

Obrazloženje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0049714 22 od 05.05.2023.godine, optužilo je M.U., zbog krivičnog djela produženo krivično djelo nasilje u porodici iz člana 222. stav 1. u vezi sa članom 55. KZ F BiH, krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH, (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana : 12.07.2023.godine . Dana 04.09.2024.godine na ročištu o izjašnjenju o krivnji, optuženi M.U. je izjavio da nije kriv za krivično djelo koje mu se stavlja na teret.

Na glavnom pretresu održanom 30.09.2024.godine prije izvođenja dokaza, optuženi M.U. priznao je krivnju za krivično djelo produženo krivično djelo nasilje u porodici iz člana 222. stav 1. u vezi sa članom 55. KZ FBiH, krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH, a njegovo priznanje je prema ocjeni ovog suda u saglasnosti sa dokazima u koje je sud izvršio uvid i to: zapisnici o saslušanju svjedoka-oštećene A.U. PS Visoko broj: 08-02-09/1-794/22 od 05.09.2022. godine i broj: 08-02-09/1-567/22 od 23.06.2022. godine,- svjedok-oštećeni E.B., sin A., ulica G.R. broj ..., grad V.; Rješenje Općinskog suda u Visokom broj: 41 0 Pr 09375 22 Pr od 24.06.2022.godine, Specijalistički nalaz JU DZ Visoko-Hitna medicinska pomoć na ime A.U. od 23.06.2022.godine, Izvod iz kaznene evidencije za osumnjičenog M.U. od 19.07.2022.godine.

Sud je izvršio uvid u dokaze odbrane i to: specijalistički nalaz JU DZ Visoko-psihijatar od 16.03.2020.g

Branitelj u završnoj riječi zamolio sud da na strani njenog branjenika kao olakšavajuće okolnosti cijeni da je isti priznao radnje izvršenja koje mu se stavljaju na teret predmetnom optužnicom, čime je uveliko skratio ovaj krivični postupak i doprinio primjeni principa ekonomičnosti i efikasnosti, da je izrazio kajanje, te obećanje da se ovako i slično neće ponoviti, da se radi o udovcu, ocu jednog mladb. djeteta, da sud uzme u obzir i njegovo zdravstveno stanje zašto je odbrana uložila materijalni dokaz, uz napomenu da njegovo liječenje zbog iste DG:PTSP, traje i danas, te da sud uzme u obzir da isti nije do sada osuđivan za ova krivična djela za koja se danas tereti, te da ga oslobodi plaćanja troškova krivičnog postupka.

Optuženi u završnoj riječi izjavio da se kaje za sve učinjeno, moli sud da ga što blaže kazni i obećaje da se ovakva djela neće više ponavljati te dodao da se poslije ovog događaja odnos sa njegovom rahmetli ženom bio popravio a i sa puncem jer mu je žena na njegovim rukama umrla, ali pošto nje nema ona to ne može potvrditi i to ga najviše pogađa.

Sud je ovo priznanje krivnje optuženog ocijenio kao jasno, iskreno i nedvosmisleno ničim uslovljeno tako da je priznanje optuženog u saglasnosti sa materijalnim dokazima, naprijed navedenim, u koje je sud izvršio uvid, na osnovu čega van svake sumnje proističe da je optuženi ostvario sva bitna obilježja bića krivičnih djela koja mu se stavljaju na teret krivično djelo produženo krivično djelo nasilje u porodici iz člana 222. stav 1. u vezi sa članom 55. KZ FBiH, krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F B

Po ocjeni suda optuženi je navedeno predmetno krivično djelo počinio sa direktnim umišljajem jer je bio svjestan svog djela i htio njegovo izvršenje, a sud je utvrdio da je optuženi prilikom izvršenja krivičnog djela bio uračunljiv, jer predocenim dokazima nije dovedena u sumnju mogućnost optuženog da shvati značaj svog djela i da upravlja svojim postupcima u vrijeme izvršenja djela, te su se u njegovim radnjama stekla sva bitna obilježja bića krivičnog djelo produženo krivično djelo nasilje u porodici iz člana 222. stav 1. u vezi sa članom 55. KZ FBiH i krivično djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH

Prilikom izricanja krivično pravne sankcije sud je cijenio optuženom M.U. kao olakšavajuće okolnosti činjenicu da je priznao izvršenje krivičnog djela koje mu se stavlja na teret, čime je u mnogome doprinjelo utvrđivanju činjeničnog stanja i skraćanju krivičnog postupka, kao i okolnosti koje je optuženi naveo u svom iskazu prilikom priznanja krivnje. Dok je od otežavajućih okolnosti sud uzeo u obzir samu prirodu i vrstu krivičnih djela koje mu se stavljaju na teret kao i činjenicu da je ranije osuđivan ali ne za istovrsno djelo. Cijeneći utvrđene okolnosti na strani optuženog, sud je optuženom na osnovu istog zakonskog propisa: te na osnovu članova: 42.,43, 49., i 54 utvrdio za krivično djelo produženo krivično djelo nasilje u porodici iz člana 222. stav 1. u vezi sa članom 55. KZ F BiH, kaznu zatvora u trajanju od 3 (tri) mjeseca, za krivično djelo djelo ugrožavanje sigurnosti iz člana 183. stav 1. KZ F BiH, sve u vezi sa članom 54. KZ F BiH, kaznu zatvora u trajanju od 2 (dva) mjeseca. Pa sud optuženog na osnovu istog zakonskog propisa: te na osnovu članova: 42.,43, 49., i 54 KZ FBIH, osudio na jedinstvenu kaznu zatvora u trajanju o 4 (četiri) mjeseca

Po mišljenju ovog suda izrečena kazna srazmjerna je stepenu odgovornosti optuženog i težini počinjenih krivičnih djela koja mu se stavljaju na teret, te će se istom postići svrha kažnjavanja, kako sa aspekta generalne, tako i specijalne prevencije predviđena članom 42. KZ FBiH.

Na osnovu člana 212. stav 3. ZKP FBiH sud je oštećenog E.B. sa imovinsko pravnim zahtjevom uputio na parnični postupak.

Na osnovu čl.202 stav 4 ZKP FBiH sud je optuženog oslobodio plaćanja troškova krivičnog postupka i isti padaju na teret budžetskih sredstava suda.

Sudija
Avdija Avdić

PRAVNA POUKA:

Protiv ove presude dozvoljena je žalba Kantonalnom sudu Zenica u roku od 15 dana po prijemu iste, a žalba se podnosi ovom sudu u tri primjerka.